





Ihomagiyagiakakmiyavut iggaktoghimaitomik tahapkuninga ilihaktot sikkugiakatangitot. Takkunaktok nunaliitni, tahamna taimaingitogaloak ilihaktitailiyaungitogaloit angayokangitnit uvalunin nuttakat inminingnik ilihagomagaloakhutik. Inuit katanutigit illagiit innuvaktot kanogininga nunnap malikavlugu, hillalu tatvalu aullagomakatakhutik manikamut. Sikkuknaghigangat hila auyautitlugu huli ihuagingitat hapkua nuttakat, ilihagiakuguptitku hapkua nuttakat, ihuaghagiakaktavut, tahapkua ilihakvit ihuaghitihiyagiakaktait kanok hapkua katangutigit illagiitlu innuhit malikataklugit.

Tahamna iglukilioknik huli ayoghaotaoloaktok katangutigiitnun. Nuttakat ilihagahuanuit kihiani pamiktaovaktot innugiaknikmionginginakhutik ataohikmi iglumi tahapkua katangutigit kittungagiitlo nayogakakmata nayogaghailiogamik. Taimavalaak ikpigivaktatik ilihagomagaloakhutik ayoghautikainagamik, angayokangit katangutaitlo nakligigaluakhutjuk nuttakatik.

Uvanga nigoakhaohimavlunga havaginhuaakpaktaga, nippikagahoakpakhungalo iliitkuhilikinikut innulikinikutlo havagivlugit, huli, uvanga havakatigihimaakniaktatka ukkua NTI-kut pivaligahuaklugit tahapkua ihomalutaoyot havakatigilugitlo ukkua Nunavut Kavamatkut.

Tahamna havagivaliayagiagaptitku hapkua aolatjutait havagiyaoyot pivaliutighaitnik Inuinait Katangutigiit humilikak Nunavumi.

Koanakpiakuhi.

Lawrence Otokiak

Toglia Angayokaguyop, Innulikiyiitkut tatvalu Illiitkuhilikiyiitkut
Kitikmeot Inuit Katuyikatigit